



Broj: 01/2-05-577-2/18
Breza, 04.04.2018. godine

Na osnovu člana 69. stav (2) tačka d) i člana 70. st. 1. 4. i 6. Zakona o javnim nabavkama („Službeni glasnik BiH“, broj 39/14) i člana 116. Statuta Općina Breza – Prečišćeni tekst („Službeni glasnik Općine Breza“ broj: 8/09), na Preporuku Komisije za javne nabavke (broj 02/1-2-14-579-8/18 od 03.04.2018. godine) u postupku javne nabavke usluga: „Konkurs za izradu idejnog rješenja za Gradsku tržnicu u Brezi,“ Općinski načelnik, d o n o s i

ODLUKU
O PONIŠTENJU POSTUPKA JAVNE NABAVKE USLUGA
KONKURSA ZA IZRADU IDEJNOG RJEŠENJA ZA GRADSKU TRŽNICU U BREZI

Član 1.

Poništava se postupak javne nabavke usluga: „Konkurs za izradu idejnog rješenja za Gradsku tržnicu u Brezi,“ iz razloga: nijedna od primljenih ponuda nije prihvatljiva – član 69. stav 2. tačka d), Zakona o javnim nabavkama („Službeni glasnik BiH“, broj 39/14).

Član 2.

Za izvršenje ove odluke zadužuje se i ovlašćuje Služba za privredu.

Član 3.

Ova odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Priloženi Konkurasni radovi će se vratiti autoru u roku od 10 (deset) dana od dana pravosnažnosti ove Odluke.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01/2-05-577/18 od 02.03.2018. godine.

Javna nabavka je provedena putem Konkursa za izradu Idejnog rješenja.

Procijenjena vrijednost javne nabavke usluga: „Konkurs za izradu idejnog rješenja za Gradsku tržnicu u Brezi,“ bez PDV-a iznosi 3.500,00 KM, neto iznos - Prva nagrada za najbolje ocijenjeno rješenje.

Obavještenje o nabavci broj: 726-6-2-10-3-1/18 poslano je na objavu dana 02.03.2018. godine te je istog dana objavljena na Portalu javnih nabavki.

Ugovorni organ je dostavio tendersku dokumentaciju, po zahtjevu Ponuđača, za Konkurs za izradu idejnog rješenja za Gradsku tržnicu u Brezi:

1. „GEOPROJEKT“ d.o.o.Banja Luka
2. „BOSNA INŽENJERING“ d.o.o.Sarajevo
3. Vanji Đurić.

Komisija za javnu nabavku imenovana je Rješenjem 01/2-05-577-1/18 od 02.03.2018.godine).

Konkursna komisija je imenovana Odlukom o pokretanju postupka javne nabavke putem nagradnog konkursa za izradu idejnog rješenja broj:01/2-05-577/18 od 02.03.2018.godine.

Komisija za javne nabavke dostavila je Općinskom načelniku, dana 03.04.2018.godine, Zapisnik o pregledu i ocjeni ponuda, broj 02/1-2-14-579-7/18 i Preporuku o poništenju postupka javne nabavke usluga Konkurs za izradu Idejnog rješenja za Gradsku tržnicu u Brezi broj, 02/1-2-14-579-8/18.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dva)
- da je blagovremeno zaprimljene 2 (dvije) ponude
- da nije bilo neblagovremeno zaprimljenih ponuda
- da su ponude ponuđača: šifra GTB 135, koji pripada autoru ĐURIĆ VANJI, mr.dipl.ing arhitekture iz Sarajeva i šifra PPB100 koji pripada autoru, pravno lice „Bosna Inženjering“ d.o.o.Sarajevo, nekvalifikovane u predmetnom postupku iz sljedećeg razloga:

Da je Ponuda ponuđača šifra GTB135 je označena kao nekvalifikovana u predmetnom postupku iz sljedećeg razloga:

- Ponuđač nije dostavio ANEKS 4-Povjerljive informacije, kako je zahtijevano tenderskom dokumentacijom, stavka 3.7 tenderske dokumentacije.

Ponuda ponuđača šifra PPB100 je označena kao nekvalifikovana u predmetnom postupku iz sljedećih razloga:

- Ponuđač nije dostavio Idejno rješenje u digitalnoj formi, 3D prikaz planiranog stanja (u PDF formatu) i Prezentaciji 3D vizualizacija prostora (u softveru po izboru), a kako je navedeno u Konkursnoj dokumentaciji za nabavku usluga Izrade idejnog rješenja za Gradsku tržnicu u Brezi.

Naime, u tenderskoj dokumentaciji stoji: „Učesnici konkursa su obavezni u analognoj i digitalnoj formi, 3D prikaz planiranog stanja (u pdf formatu) dostaviti sljedeće priloge:

Tekstualni prilozi:

- Troškove realizacije idejnog projekta.
- Grafički prilozi:
- Situacija;
 - karakteristični presjeci i fasade;
 - Hortikulturno rješenje;
 - Idejni projekti planiranih objekata;
 - Troškove realizacije idejnog projekta;
 - Prezentacija – 3D vizualizacija prostora (u softveru po izboru).“

Komisija za javnu nabavku i Konkursna komisija su jednoglasno odlučile da Konkursni radovi:šifra GTB135 i šifra PPB100, nisu kvalifikovani i nije se pristupilo daljoj ocjeni ponuda u skladu sa kriterijima predviđenim u tenderskoj dokumentaciji.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu Komisije za javnu nabavku i Konkursne komisije.

Naime, u postupku je ocijenjeno da su: Komisija za javnu nabavku i Konkursna komisija u svemu pravilno postupile, u skladu sa Zakonom o javnim nabavkama, podzakonskim aktima, internim aktima, Poslovníkom o radu i tenderskom dokumentacijom i nesumljivo je utvrđeno da nijedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2) tačka d), Zakona o javnim nabavkama („Službeni glasnik BiH“, broj 39/14), iz razloga:nijedna od primljenih ponuda nije prihvatljiva, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.

DOSTAVLJENO:

- 1x Svim ponuđačima koji su učestvovali u postupku JN
- 1 x Služba za privredu
- 1x Služba za finansije, inspekcijске poslove i opću upravu
- 1 x Viši samostalni referent - administrator mreže
- 1x Evidencija
- 1x a/a

OPĆINSKI NAČELNIK

mr.sci.Munib A.Zaimović